

ԵՊՀ գիտական խորհրդի նախագահ՝

Ա. Հ. Միմոնյան

**Կ Ա Ն Ո Ն Ա Կ Ա Ը Գ**

**Երևանի պետական համալսարանի առկա ուսուցմամբ  
մագիստրատուրայի 2016/2017 ուստարվա ընդունելության**

1. Սույն կանոնակարգի իրավական հիմքերն են՝ Կրթության մասին, Բարձրագույն և հետբուհական մասնագիտական կրթության մասին ՀՀ օրենքները, ՀՀ Կրթության և Գիտության նախարարի կողմից հաստատված ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգե-ը, ԵՊՀ կանոնադրությունը և այլ իրավական ակտեր:

2. ԵՊՀ մագիստրատուրա մրցութային կարգով կարող են ընդունվել ՀՀ պետական և ըստ մասնագիտությունների հավատարմագրված ոչ պետական բարձրագույն ուսումնական հաստատությունների բակալավրի կամ դիպլոմավորված մասնագետի որակավորում ունեցող անձինք: Օտարերկրյա բուհերի շրջանավարտների ընդունելությունը մագիստրատուրա կատարվում է հարցազրույցի և համապատասխան ֆակուլտետի գիտական խորհրդի կարծիքի հիման վրա:

3. Մագիստրատուրայի ընդունելությունը կազմակերպելու նպատակով կազմվում է ընդունող հանձնաժողով՝ ռեկտորի նախագահությամբ, ուսումնական աշխատանքների գծով պրոռեկտորի, ուսումնամեթոդական վարչության պետի, ուսումնամեթոդական վարչության մագիստրատուրայի բաժնի վարիչի անդամակցությամբ: Ռեկտորի հրամանով ձևավորվում է մանդատային հանձնաժողով՝ ուսումնական աշխատանքների գծով պրոռեկտորի նախագահությամբ, ուսումնամեթոդական վարչության պետի, համապատասխան ֆակուլտետների դեկանների և ուսումնամեթոդական վարչության մագիստրատուրայի բաժնի աշխատակիցների անդամակցությամբ: Քննությունների անցկացման համար պրոռեկտորի հրամանով ձևավորվում են առարկայական քննական հանձնաժողովներ, որոնց կազմում ներգրավվում են տվյալ ֆակուլտետի դեկանը և համապատասխան մագիստրոսական ծրագրերի դեկավարները:

4. Մագիստրատուրայի ընդունելությունը կատարվում է 3 փուլով.

4.1. **Առաջին փուլում** բանակի տարկետման իրավունքով անվճար համակարգ կարող են դիմել ԵՊՀ բակալավրիատի տվյալ մասնագիտության ընթացիկ ուստարվա արական սեռի այն շրջանավարտները, որոնք ավարտական աշխատանքից և ամփոփիչ ատեստավորման քննությունից ստացել են 13 կամ ավելի բարձր միավորներ, իսկ դիպլոմի հավելվածում գրանցված առարկաների միջին որակական գնահատականը (ՄՈԳ) կազմում է առնվազն 13: Ընդունելությունը կատարվում է մրցութային հիմունքներով՝ մանդատային հանձնաժողովի երաշխավորության հիման վրա:

Հավասար ՄՈԳ-ի պարագայում առաջնահերթության կարգով հաշվի են առնվում հետևյալ լրացուցիչ չափանիշները.

1. գերազանցության դիպլոմի առկայություն,

2.ավարտական աշխատանքի և ամփոփիչ ատեստավորման քննության միավորների գումարը:

4.2. **Երկրորդ փուլում** անվճար համակարգ առանց բանակի տարկետման իրավունքի կարող են դիմել ԵՊՀ բակալավրիատի առկա և հեռակա ուսուցման տվյալ մասնագիտության ընթացիկ ուստարվա այն շրջանավարտները, որոնք ավարտական աշխատանքից և ամփոփիչ ատեստավորման քննությունից ստացել են 13 կամ ավելի բարձր միավորներ, իսկ դիպլոմի հավելվածում գրանցված առարկաների միջին որակական գնահատականը (ՄՈԳ) կազմում է առնվազն 13: Ընդունելությունը կատարվում է մրցութային հիմունքներով՝ մանդատային հանձնաժողովի երաշխավորության հիման վրա:

ԵՊՀ-ում միայն մագիստրատուրայում գործող մասնագիտություններով՝ 061104.00.7 - .Տեղեկատվական համակարգեր (061104.02.7- .Տեղեկատվական համակարգերի մշակում, 061104.04.7- .Տեղեկատվական համակարգերի կառավարում), 011101.00.7 - .Կրթական գիտություններ (011102.04.-Կրթության կազմակերպում), 022803.00.7-Էնչայագիտություն (022803.01.7- .Հայագիտություն, 022803.02.7- .Սփյուռքագիտություն), 031803.00.7 - .Եվրոպագիտություն (031803.01.7- .Եվրոպագիտություն), 031804.00.7 - .Հասարակայնության հետ կապեր ( 031804.01.7 - .Հասարակայնության հետ կապեր), ինչպես նաև ԵՊՀ Հայագիտական հետազոտությունների ինստիտուտի 031801.02.7 - .Ցեղասպանագիտություն մագիստրոսական ծրագրի առաջին և երկրորդ փուլի դիմորդների ընդունելությունն անվճար համակարգ կատարվում է ընդունելության քննության արդյունքներով՝ մրցութային հիմունքներով:

Առաջին և երկրորդ փուլում 071403.03.7 - .գերմեծ ինտեգրալ սխեմաներ մագիստրոսական ծրագրի մագիստրատուրայի անվճար համակարգի մրցութային կարող են մասնակցել ռադիոֆիզիկա մասնագիտության գերմեծ ինտեգրալ սխեմաների նախագծում մասնագիտացման բակալավրիատի շրջանավարտները ըստ իրենց ՄՈԳ-ի:

.Սաթեմատիկա: Համակարգչային գիտություններ, .Թարգմանչական գործ՝գերմաներեն և հայերեն, . Թարգմանչական գործ՝ֆրանսերեն և հայերեն, .Թարգմանչական գործ՝իսպաներեն և հայերեն, մասնագիտություններով բակալավրիատի շրջանավարտները անվճար համակարգի մրցութային կարող են մասնակցել համապատասխանաբար .Ինֆորմատիկա (համակարգչային գիտություն)և, .Օտար լեզու և գրականություն մասնագիտություններով՝ ըստ իրենց ՄՈԳ-ի: .Թարգմանչական գործ՝ռուսերեն և հայերեն, .Հունարեն լեզու և գրականություն մասնագիտություններով բակալավրիատի շրջանավարտները անվճար համակարգի մրցութային կարող են մասնակցել .Լեզվաբանություն մասնագիտության .Միջմշակութային հաղորդակցություն՝ռուսաց լեզուն կրթական ծրագրով՝ ըստ իրենց ՄՈԳ-ի:

091601.00.7 - .Ֆարմացիա մասնագիտությամբ մագիստրատուրայի անվճար համակարգ կարող են դիմել միայն ԵՊՀ դեղագործական քիմիա մասնագիտության ընթացիկ տարվա շրջանավարտները:

**Երկրորդ փուլում** վճարովի համակարգ կարող են դիմել ԵՊՀ (նաև 4.1. կետի պահանջները չբավարարելու դեպքում) և այլ պետական ու ըստ մասնագիտությունների հավատարմագրված ոչ պետական բուհերի առկա և հեռակա ուսուցման ընթացիկ և նախորդ տարիների շրջանավարտները: Ընդունելությունը կատարվում է մրցութային հիմունքներով տվյալ մասնագիտության բակալավրի ամփոփիչ ատեստավորման քննական ծրագրին համապատասխան անցկացված քննության արդյունքներով: Ընդունելության վերաբերյալ որոշումը կայացնում է ընդունող հանձնաժողովը՝ առարկայական քննական հանձնաժողովների ներկայացրած արձանագրությունների հիման վրա:

4.1 կետի պահանջները բավարարող դիմորդները վճարովի համակարգ ընդունվում են առանց ընդունելության քննության:

042101.00.7 - Իրավագիտությունն մասնագիտությամբ մագիստրատուրայի անվճար և վճարովի համակարգ կարող են դիմել միայն Իրավագիտությունն մասնագիտության իրավագիտության բակալավրի որակավորում ունեցող շրջանավարտները:

091601.00.7 - Տարմազիան մասնագիտությամբ մագիստրատուրայի վճարովի համակարգ կարող են դիմել դեղագործական քիմիա մասնագիտության և հարակից մասնագիտությունների շրջանավարտները: Հարակից մասնագիտությունների ցանկը հաստատում է դեղագիտության և քիմիայի ֆակուլտետի գիտական խորհուրդը:

4.3. **Երրորդ փուլում** անվճար (բանակից զորացրված (ԲԶ) դիմորդների համար նախատեսված տեղերի շրջանակներում) համակարգ կարող են դիմել ԵՊՀ տվյալ մասնագիտությամբ բակալավրի կամ դիպլոմավորված մասնագետի որակավորում ունեցող ՀՀ Ազգային բանակում ծառայած և վերջին երեք տարվա ընթացքում զորացրված դիմորդները: Ընդունելությունը կատարվում է առանց քննության մրցութային կարգով՝ նախորդող ուսումնառության դիպլոմի հավելվածում գրանցված առարկաների ՄՈԳ-ի հիման վրա: Ընդունելության վերաբերյալ որոշումը կայացնում է ընդունող հանձնաժողովը՝ մանդատային հանձնաժողովի երաշխավորության հիման վրա:

Անվճար համակարգի մրցութից դուրս մնացած ՀՀ Ազգային բանակում ծառայած և վերջին երեք տարվա ընթացքում զորացրված դիմորդները վճարովի համակարգ ընդունվում են առանց ընդունելության քննության:

Մասնագիտության փոփոխման պարագայում ԵՊՀ շրջանավարտների կամ այլ ԲՈՒՀ-երի շրջանավարտների,ինչպես նաև ՀՀ Ազգային բանակում ծառայած և երեք տարի առաջ զորացրված դիմորդների ընդունելությունը կատարվում է միայն վճարովի համակարգում՝ տվյալ մասնագիտության բակալավրի ամփոփիչ ատեստավորման ծրագրին համապատասխան անցկացված քննության արդյունքներով: Ընդունելության վերաբերյալ որոշումը կայացնում է ընդունող հանձնաժողովը՝ առարկայական քննական հանձնաժողովների ներկայացրած արձանագրությունների հիման վրա:

Երրորդ փուլով մագիստրատուրայի վճարովի համակարգ կարող են դիմել նաև առաջին և երկրորդ փուլում ժամանակին չդիմած անձինք: Առաջին փուլի պահանջներին բավարարող դիմորդները վճարովի համակարգ են ընդունվում առանց ընդունելության քննության:

5. Դիմորդները ներկայացնում են հետևյալ փաստաթղթերը.

- մագիստրատուրայի ընդունելության դիմում-հայտ: Դիմում-հայտում դիմորդը կարող է նշել առավելագույնը 2 մագիստրոսական ծրագիր՝ ըստ նախապատվության: Հայտում նշված առաջին ծրագրի չբացվելու դեպքում դիմորդը մասնակցում է երկրորդ ծրագրի մրցութին: Ծրագիրը չի բացվում,եթե ուսանողների թիվը չի համապատասխանում Ուսումնական աշխատանքների հաշվարկի նորմերից՝ հաստատված ԵՊՀ գիտական խորհրդի 2012թ. ապրիլի 20-ի նիստի թիվ 3/3 որոշմամբ 5-րդ կետի պահանջին:
- բարձրագույն կրթության դիպլոմի և նրա հավելվածի բնագրերն ու պատճեններ,
- 4 լուսանկար (3x4 չափսի),
- զինվորական գրքուկի բնագիրն ու պատճեն (առկայության դեպքում),
- անձնագրի պատճեն
- ընդունելության ծառայությունների համար գանձվող 1000 դրամի վճարի անդորրագիր:

6. Ընդունելության փաստաթղթերն ընդունվում են՝ 1-ին փուլով՝ մայիսի 23-ից մինչև հունիսի 3-ը, 2-րդ փուլով՝ մայիսի 23-ից մինչև հուլիսի 4-ը, 3-րդ փուլով՝ հուլիսի 11-ից մինչև օգոստոսի 25-ը:

Ընդունելությունը կատարվում է՝ 1-ին փուլով՝ հունիսի 7-ից մինչև հունիսի 9-ը, 2-րդ փուլով՝ հուլիսի 6-ից մինչև հուլիսի 8-ը, 3-րդ փուլով՝ օգոստոսի 30-ից մինչև սեպտեմբերի 2-ը:

7. Մագիստրատուրայի վճարովի համակարգ ընդունված դիմորդների հրամանագրումը կատարվում է ուսման վարձը վճարելուց հետո՝ ըստ մասնագիտությունների և մագիստրոսական ծրագրերի: